

تورکیا بو یون ملت مجلسی

ضبط

طقسان ایکنجی اجتماع

مندرجات

۲ نومبر ۳۳۷ تاریخی آوانس قانونک تفسیری حقندہ کی مذاکرات

برنجی جلسہ

رئیس: رئیس ثانی دو قنور عدنان بک اقدی

کاتب: محمود سعید بک (موش)، راغب بک (کوتاہیہ)

۱۳ - تشرین اول - ۳۳۷ - پنجشنبہ، ساعت ۲ صکرہ

لایحہ انجمنی مضبطہ سی

محاربه دہ اعضا سندن برنجی غائب ایدن افراد عسکر یہ خدمت
وطنیہ تربیتندن شہری سکز یوزغروش معاش تخصیصی واعطاسی
لزومنه دائر آٹنه مبعوثی ضمیر بک ہیئت عمومیہ دن محول
۱۲ ایلول ۳۷ تاریخی تکلیف قانونیسی انجمنزجہ مطالعہ
وتدقیق اولندی . اساساً بوکچی معلولین غزانہ معاش تخصیصی
صورتیہ ترفیہ حالاری تقاعد قانونی احکام صریحہ سندن اولغلہ تکلیف
مذکور نقطہ نظر دن انجمنزجہ شایان مذاکرہ کوریلہ رک تعلق
حسیلہ مدافعہ ملیہ وموازنہ مالیہ انجمنلرینہ حوالہ سی ضمنندہ

مقام جلیل ریاستہ تقدیم قلندی سا ۳ تشرین اول ۳۷

کاتب مضبطہ محرری لایحہ انجمنی رئیس
ارطغرل سلیمان سری عثمان

اعضا اعضا

محمد

رئیس — لایحہ انجمنی مضبطہ سی حقندہ سوز

ایستہن وارمی؟ (خایر سسلری)

رئیس — جلسہ نی آچیورم. ضبط سابق خلاصہ سی
اوقونہ جق. (ضبط سابق محمود سعید بک طرفدن اوقوندی)
ضبط سابق حقندہ مطالعہ وارمی . ضبط سابق
قبول ایدلدی .

چیلدیر نامیلہ بر قضا تشکیکنہ دائر ہیئت وکیلہ دن
مورود لایحہ قانونیہ وار. داخلہ انجمنہ کوندریوروز.

دیوان حربلردہ غیاباً اعدام جزاسنہ محکوم ایدیلن
بعض اشخاصی حقندہ مورود اوراق حکمیہ وار، عدلیہ
انجمنہ کوندریوروز .

محاربه دہ اعضا سندن برنجی غائب ایدن افراد عسکر یہ
خدمت وطنیہ تربیتندن معاش تخصیصنہ دائر آٹنه مبعوثی
ضمیر بک تکلیف نک شایان مذاکرہ اولدیغنه دائر لایحہ
انجمنی مضبطہ سی واردر .

افندم سوزایسته یوق. لایحه انجمنه تکلیفی وجهه
 لایحه قانونیه نك مدافعه ملیه وموازنه مالیه انجمنلرینه
 حواله سنی قبول ایدنلر لطفاً لقالدیرسون . (قبول ایدلدی)
 مالیه وکیلی حسن بك (طر بزون) — ۵ تموز
 ۳۷ تاریخی قانونه ویریلن آوانسك بقیه سنك آغستوس
 غایه سنندن صکره خدمات عمومیه به صرفه دأر اولان
 تکلیف هیئت جلیله کزک قراریه موازنه مالیه انجمنه
 کیتمشدی . موازنه مالیه انجمنی صالحی کونی اجماعده
 اونی مذاکره ایتدی . وکالتک بوخصوصده کی نقطه
 نظرینه اشتراك ایتدی یعنی آوانسارده اصل اولان مقدار
 اولوب قویلان زمانک حداصغری برمدت اولدینی واوندن
 صوکره کی زمان ایچون دخی آرتان مبلغ صرفی جائز
 اولدیغنه دأر برقرار انخاذ ایتمشدر . معامله مزده ایلروله مشدر .
 ایلول آبی بیتدیکی کبی تشرین اولده بیتمک اوزره در .
 تنسیب بیورورسه کز موازنه مالیه انجمنی ده نقطه نظری
 بوراده ایضاح ایتسون وبر قرار انخاذ ایدلسون که بر آن
 اول مسئله حل ایدلمش اولسون .

رئیس — افندم کچن کون بومسئله مجلس عالیکنزده
 موضوع بحت اولدی . وموازنه مالیه انجمنه ویرلدی
 ظن ایدرم . موافق کورورسه کز موازنه مالیه انجمنی
 ایضاحات ویرسون . (موافق سسلری)
 افندم بونک مذاکره سنی قبول ایدنلر لطفاً لقالدیرسون
 (قبول ایدلمشدر)

فرید بك افندی بیوریرکیر !
 فرید بك (استانبول) (موازنه مالیه انجمنی رئیس) —
 افندم معلوم عالیکنز ۵ تموز ۳۷ تاریخی قانونه هیئت
 جلیله کز حکومته اون میامیون لیرالق بر آوانس ویرلسنی
 قبول ایتمش فقط ماده قانونیه ایچیریسنده بونک آغستوس
 غایه سنه قدر صرف ایدیه جکی قیدی عیلاوه ایه مشدی .
 شمعی ایلول بدایتندن اعتباراً باشقه بر قانون ایه یکی بر
 آوانس اعطا ایتمک ویاخود وقوعولان تصرفاتدن ایلول
 ابتداسنده صرفیات اجراسنه دوام ایتمک شقلرندن
 هانکیسنک موافق ومناسب اوله جنی مسئله سی موضوع
 بحت اولیور . مالیه وکیلی محترمی بك افندی بو آوانس

قانونک مذاکرانی انساننده بلکه بوندن تصرف واقع
 اوله رقی آغستوس نهایتندن صوکره کی زمانلر ایچونده
 صرفیات اجرا ایدیه جکندن بحت ایتدیکی ایچون بر قانون
 ایه اعطا ایدلمش اولان اون میامیون لیرادن متباقی مبالغک
 تفسیراً ایلول وحقی تشرین اول طرفنده صرفی ممکن
 اوله جنی قناعتنده بوندیغنی وبوکا کوره اداره امور
 ایتدیکنی بحت بیورردیلر . بونک اوزرینه هیئت جلیله کز
 مسئلهی موازنه مالیه انجمنه حواله ایتدی . مذاکرات
 انساننده بوماده قانونیه دنده بحت ایدلمشدی . فقط ؛
 بوماده قانونیه اصولنه توفیقاً هیئت وکیله طرفندن تنظیم
 ایدلمش بر ماده قانونیه اولمیوب لدی الايجاب تنظیم ایدیه جک
 اولان ماده قانونیه نك مالیه وکالتنجه تصور ایدیلن
 شکندن عبارت اولدینی آکلاشلمشدر . موازنه مالیه
 انجمنکز مسئلهی مذاکره ایتدی . مسئله ده ایکی شکل
 موضوع بحت اولیور . بریسی مدت قیدیه تعیین وتصریح
 ایدیه رک اعطا ایدیلن بوکبی آوانس لکز یا لکز او مدتک
 نهایته قدر صرفه مأذونیتنی تضمن ایدوب اوندنصکره
 یکی بر ماده قانونیه ایه یکی بر تخصیصات آلمق لزومی
 حسن ایدلدیکی انجمنده بولنان آرقداش لرمزدن بر قسمی
 طرفندن اظهار ایدلدی . دیگر بر قسمی ایسه مالیه وکیل
 محترمک هیئت جلیله کزه عرض ایتمش اولدینی صورت
 تفسیری قبول ایدیه رک ایلول انساننده حتی تشرین اولده ده
 بو اون میامیون تخصیصات بیتنجه به قدر دوائر مرکزیه
 ایچون لازمکن صرفیاتک اجرا ایدیه جکی قناعتنده ایدی .
 بناء علیه بر ماده قانونیه تنظیم ایدیه رک اصولیه مذاکره
 ایتمک ویاخود یا لکز بر تفسیر ایه اکتفا ایتمک شقلرینی
 انجمن مذاکره ایتدی . بومذا کره انساننده انجمن
 عالیکنز مالیه وکیلی بك افندی تک تفسیری وجهله مسئله نك
 بر تفسیر ایه قادمسی وبو اون میامیون لیرانک ده بوضورتله
 نهایته قدر صرف ایدلده کدنصکره کر باشقه بر تخصیصات
 طلب ایدیلورسه یکی بر قانون ایه طلب ایدلمسی شقی
 اکثریتله قبول ایتدی .

حسین عونى بك (ارضروم) — بکم دوائر مرکزیه
 بیورردیکنز . مقصد نه در ؟

فرید بك (استانبول) — دواړه عمومیه مدافعه مایه دن ماعدا دیگر دواړدر. معلوم عالیکنز مدافعه مایه بودجه سی ذاتاً تصدیق و قبول ایدلیدی ایچون بو آوانس صورتند ویریلن تخصیصات دیگر دواړک احتیاجی ایچوندنر. وهی بک (قره سی) — افندیلرینه یا کاش بریوله کیده جکر . ینه یکی بر قرارله یکی بر یول آچمش اوله جغز . مصرف جهتی مجلس عالیکنز بهمه حال آری آری تدقیق ایتمک مجبوریتنددر. حالبوکه بونی پایه مدق. انجمنک اولو اورته تدقیق ایتدیکی اساسات اوزرینه آغستوس غایه سنه قدر صرف ایدمک اوزره اون میلیون لیرا ویردک . اون ملیون لیرادن آرتان پاره مجلسک و ملتک مالیدر . بناءً علیه بونک یکیدن زریه صرف ایدلمسینی تقرر ایتدیرمک ینه کندی حقیدر . تفسیرایله تاویل ایله چیقار شی دکلدر . صراحةً آغستوس غایه سنه قدر صرفی کوستریلان پاره دن آرتان مبلغک ینه ایلول و تشرین اول ایچون صرف ایدیله بیلمه سی دوغور دکلدر . بونکله قنار چیغیر آچیورسکزر . بو مجلسمزدن چیقه جق برقرار دکلدر . هیچ بر مجلس بویله بر قرار ویرمدیکی حالده بزم مجلسده ویردمز . حتی حقیقه یوقدر . بناءً علیه یالکنز تدقیق ایدر و بر ماده قانونیه ایله تکرار دیرکه بو پاره شورایه صرف ایدلمون . بو آوانس اوله رق ویریلن پاره لری الی نهایته یلیدیکنز قدر صرف ایدیکز و پاره کز توکه نیرسه ینه بورایه کانسون کیلرده بر قانون اولماز . بویله برقرار و تفسیرده اولماز باخصوص آوانس اوله رق حکومتک انه ویردیکنز قانون بودجه نک بر پارچه سیدر . اوله غیر قطعی و مبهم بر طرزده فلان وقته قدر ویا غیر معین بر زمانه قدر دوام ایدر دیمک اوله ماز و بویله بر قرارده اولماز . بناءً علیه ایکنجی قسم ایچون یعنی آرتان پاره یی تکرار صرف ایده بیلمک اوزره بزدن مأذونیت آللری شرطدر . صلاحیتیزی حسن استعمال ایتمک کلکنز لازم کلیر . بناءً علیه بهمه حال بر ماده قانونیه ایله مأذونیت ویرمک اقتضا ایدر . یا کاش چیغیر آچایلم .

مالیه وکیلی (حسن بک) — افندم وهی بک آرقدا شمزله آره مزده شکل فرقی واردر . بنده کزک؛ وهی بک افندیکنز ویردیکی ایضاحدن آکلادیغمه کوره ۵ توموز تاریخلی قانونه

ویریلن اون میلیون لیرالق آوانسی آغستوس غایه سنه قدر مدافعه مایه دن ماعدا خدمات عمومیه مصارفه صرف ایدمک و بو مدته عائد اولوق اوزره قبول ایدلمش موقت بر بودجه تلقی ایتدکلرندن دوغیور . حالبوکه آوانس لیرک اصلاً زمانه مقید اولمامسی لازمدر . اگر ایکی توموز تاریخلی آوانس قانونی توموز و آغستوس ایلرینه مقصور و مستقل بر بودجه یعنی موقت و معین و بعض اساسات داخلنده صرفی اقتضا ایدن موقت بر بودجه ماهیتند اولسه ایدی بنده کز تماماً کندی قناعتلرینه اشتراک ایدردم . و زمانه مقید مستقل بر بودجه اولواردی . حالبوکه ویریلن تخصیصات آوانسدر . آوانسلر زمانه مقید دکلدر . نته کیم بو قانونی تنظیم ایدن شمهدیکی موازنه مالیه انجمنی آغستوس غایه سنه قدر اولان مدتی حد اصغری اوله رق قوبدیفنه قنعددر . یعنی آغستوس غایه سنندن اول بو پاره نک بیترلمه منی و آنجق آغستوس غایه سنه قدر بو پاره نک بعض اساسات داخلنده صرفه جواز ویرلیدیکی افاده و افهام ایتمشدر . ینه هیئت جلیله کزک قبول ایتدیکی برنجی آوانس قانونی ده آوانسلرده مدتک شرطو اساس اولمدیغنی اثبات ایده بیلیر خاطر لارسکزر که لکن ایلمک صرفه مأذونیت ویردیکنز ایکی ملیون لیرالق آوانس قانوننده هیچ مدت یوقدر . اوندن صکره مجلس عالیکنز بو آوانسه مدت قومیشدر. ذاتاً آوانس قانونیه آوانس شکلنده کی تخصیصاتی موقت بودجه دن تفریق ایدن یکنه معیار مدت مسئله سی اولوق لازم کلیر. انجمن بوقیدی حد اصغری اوله رق قومیشدر که او مدتدن اول آروجه پاره ایسته نیلمسون ، و او مدت ظرفنده بهمه حال خدمات عمومیه ، ویردیکنز بو پاره ایله اداره ایدلسون مقصدینه منطوقدر . بالطبع آغستوس غایه سنندن صکره ایفا ایدیلن خدمات عمومیه ایچونده بقیه قالان پاره نک بر تفسیر ایله صرفی لازم کلیر. و ذاتاً بو اساسلری موازنه مالیه انجمنکزر صورت عمومیه ده یالکنز آغستوس غایه سنه قدر دکل ، مصارف بودجه لرینک انهای مذاکره سنده مصرفه مقابل اساس اوله جق اولان قادرولری وسائر شیلری تثبیت ایتش بولونیور . یعنی هیئت جلیله کز موازنه مالیه

انجمنك او خصوصه كى زمان ايله مقيد اوليان تكليفى
 تميز استاسندن اعتباراً موقع تطبيقه قوميسنه صلاحيت
 ويرمشدر. بنده كز شونده اصرار ايدىورم كه: آوانسلرده
 اصل اولان تحديد اولتان مقداردر. زمان، اولسه اولسه
 حداصغرى يى كوسترر، او زماندن دها ايلر يسنه ويريلن
 پاره صرفيات و زمان ايله اداره ايتمزه او زمان « اولويت »
 قاعده سى جارى اولق لازم كلير. اغستوس غايه سنه قدر
 خدمات عموميه به تخصيص ايديلن پاره اغستوس غايه سنه
 قدر صرفى جائز اولديغى كبي اوندن صكره كى مدتله دهه
 صرفى لازم كلير. يعنى مسئله زمان ايله مقيد وده اطوغرى سى
 موقت بر بودجه ماهينده دكلدر. ويريلن تخصيصات
 قانونى على العاده بر آوانس قانونى، قانونى ماهينده در.
 بناء عليه برنجى آوانس قانونكزده هيچ بر زمان تقيد
 ايديله رك ويرلمشدر. وبويه تاويل واجرا ايدلمشدر.

حسين عونى بك (ارضروم) — اقدام بيوردىغى كز
 كبي على خلاف الاصول بر مسئله واردر. بالآخره قانونه
 زمان تقيد اولمشدر. شمى بزدن نه ماهينده بر قرار
 آلاجهسكزده او قيدى تغيير ايديه جكسكز ؟ يعنى بز نه
 كبي بر قرار ويره جكز ؟

ماليه وكيلى حسن بك — اغستوس غايه سنه قدر اولان
 مدت قيدينى موازنه مالیه انجمنى تفسير ايتمش. بوندن
 مقصد همه حال اغستوس غايه سندن صكره بوپاره دن ارتق
 پاره صرف ايدلمز ديمك دكل؛ بالعكس اغستوس غايه سندن
 اول تخصيصات ايسته نيلمه سى ايچوندر. يعنى بو قانونى
 يابان موازنه مالیه انجمنى كچن كونكى اجتماعنده بو تفسير
 مسئله سنى موضوع بحث ايتمش و ديمشدر كه : بو حد
 اصغرى يى قانونه قويمقدن مقصد بوندن عبارتدر و بنمده
 معروضاتم بودر .

حسين عونى بك (ارضروم) — هانكى مطالعه يه
 بناء اولورسه اولسون قانون زمان ايله تقيد اولمشدر.
 وبوكون ايكنجى بر قرار ايسته يورسكز كه . قانونده كى
 اغستوس غايه سنى تفسير ايتسون دييورسكز . بوكا
 تفسير كيره مز ، چونكه صراحت واردر . فلان تاريخه

قدردر ديه بونك بشقه امكانى يوقدر . بر ماده ايله بو
 پاره نك صرفه مأذونيت ويرلمه ليدر . قانونده كى تاريخى
 چورونمك ايچون ينه بر ماده يه لزوم واردر .

ماليه وكيلى حسن بك — آوانسلر اصلا زمانه مقيد
 دكلدر . مصارف بودجه لرنده پاره نك هانكى اساس
 دائره سنده صرف ايديله جكى ده تيب ايدلمش وهيت عموميه ده
 موقع مرعيته قونماسى تحت قراره آلمشدر . بوندن صكره
 صرف ايديله جك اولان آوانس بقيه سى ده ينه هيت
 جليله كزك ويرمش اولديغى قرار دائره سنده صرف
 ايديله جكدر . او قرار ثابتدر. زمان ايله مقيد دكلدر .

وهي بك (قره سى) — اون مليون ليراي برنجى
 دفعه اولديغى كبي . كوز يومارق نه اولورسه اولسون
 ديه مى ايسته ديكر ؛ بوقسه اغستوس غايه سنه قدر فلان
 دائره نك شو قدر مصرفى وار ، وضعيت شودر . بر
 حساب چيقه رهرق بوپاره يتشه جك ديه بر حساب
 او زره مى اولدى ؟

ماليه وكيلى حسن بك — ضبطلره مراجعت اولورسه
 صراحتاً كورولور كه ايسته نيلن ۱۰ مليون لير اصولك آوانس
 اولسون و بونك صرف ايديله جكى زمانه قدر عمومى
 موازنه لايحه سى تدقيق ايدلمش بولسون . ملاحظه سيله
 ايسته نيالمشدى . و حتى بنده كز ضبطلرده موجود
 اولديغى خاطر لايورم . ديمشدم كه : بو پاره نك اغستوس
 غايه سنه قدر يتيميه جكنى احتمالكه بو تخصيصاتنه مصارف
 دولتى بلكه بر آى دها ادا مه ايتمك امكانى حاصل اوله جغنى
 بيله بيله ، كوره كوره ايسته يورم . چونكه : بر آوانس
 قانونى دها كتر مكدن ايسه آوانس اوله رقى آلدیغىمز بو
 پاره بودجه نك چيقه جغنى زمانه قدر مصارف دولتى اداره
 ايديه جك بر پاره در . بو ضبطلرده ده تماماً و صراحتاً
 واردر . اغستوس غايه سنه قدر خدمات ملكيه دولتك
 استلزام ايتديكى مصارف ضروريه بوكا مساويدر . بناء عليه
 آنجق اغستوس غايه سنه قدر اداره امورى تسويد ايديه
 بيليرز . بوندن صكره آروجه بر پاره ايسته مك شرطيله
 پارا ايستيورم ديه قيدده يوقدر .
 وهي بك « قره سى » — مساعده بو بورك ! نه صورته

ایسته یورلر رجا ایدهرم .

مالیه وکیلی حسن بک شونئی سویله بیم . شوشکلده آوانس ویرمک بودجه اساسانه قطعياً منافی دکلدر . موازنه عمومیه لایحه سی چیقنجه یه قدر . خدمات عمومیه ایچون صرف ایدمک اوزره بر ماده قانونیه ایله ویریه بیلیر . زمان ایله مقید اولمقزین آوانس شکلنده پاره ویرمک بودجه اصولنه منافی دکلدر . بالعکس آوانس ماهیتنده اولمق ایچون بو شکلده اولمسی لازمدر . او بری ، زمان ایله مقید اولانلری آوانس اولماز ، زمانه مخصوص بر بودجه اولور اقدم .

مصطفی صبری افندی (سعد) — بو آلدیغکز اون ملیون لیرایی بوقدر زمان ظرفنده صرف ایده بیلیر میسکز ؟

مالیه وکیلی حسن بک — بو پاره نك نه شکلده وهر دأریمه هانکی اساس داخلنده صرف ایدیلجکی موازنه مالیه انجمنکزک تثبیت ایتدیکی وهیئت جلیله کزک قبول ایتدیکی اساسلرده مقیددر . پاره نك مقداری او اساسلره کوره قاچکون اداره ایدرسه اوندن عبارتدر . زمان مقداری معین اولان اساساً قبول ایدلمش اولان مدت اعتباریه درجه کفایتنه تابعدر . زمان بر نتیجه طبیعیه در . زیمه صرف ایده جکم . ینه هیئت جلیله کزک ویردیکی قرار اورتیه برده در . یعنی صرفیائی اداره ایتمکه کفایت ایدیورسه زمان بوندن چیقار .

نیل افندی (قره حصنار) — رئیس بک ! غایت قیصه در سویله یه جکم : مالیه وکیلی بک افندی تئج مراجعتدن مقصدلری ندر ؛ لطفاً ایضاح ایتسونلر . حسن بک افندی دییورلرکه : اساساً آوانس قانونی بلامتدر . یعنی آغستوس غایه سنه قدر اولمق شرط دکل . حالبوکه کندینسی مجلسه کلوب مراجعت ایدیور .

مالیه وکیلی حسن بک — مالیه وکالی تدقیقی ، تفسیرینی بویله یامیشدر . معاملات مالیه مأمورین مالیه ایله ودیکر آرقداشلره کورشدیکم زمان بوضورتله اختلاف اولابیلور مسئله سی اوزنه یه چیقمشدر . مسئله غایت صریحدر اجتهاد اختلافاتنک ازاله سی ایچون صمیمی اوله رق هیئت

جلیله کزله کلوب مراجعت ایتشمدر بنده کزک قناعتی بوندن عبارتدر .

راغب بک (کوتاهیه) — اقدم ! حسن بک بوقدر دولامباجلی یوللردن کیتدیکنی اکلایم یورم . خدمات عمومیه صرف ایدمک اوزره آوانس ایسترن اغستوس نهایتنه قدر دییه صراحتاً آلمشدر . زمان ایله تقید اولمشدر . بناء علیه یاپیله جق معامله یکی بر قانون ایله آوانسدن بقیه قالان پاره یی تصرف اوله رق قید ایتمکدر . آوانس ایسته مک بیکدن موقت بر بودجه ایله کلکدر . شمدی بوقدر آخیق وارکن مسئله صرف بر شکلدن عبارت ایکن بوشکل اساسی بی محافظه ایتیمده دیکر بر شکلده دولامباجلی یوللردن کیتمه یه بنده کزجه هیچ بر سبب بوقدر . چونکه افندیلر ! معلوم عالیکز تحصیلات و تأدیات امری مطلقاً مجلس عالیکزک وظائف اساسیه سننددر . حقوق اصایه سننددر ؛ بو کازره قدر تجاوز ایدلمه ملیدر . مجلس تحصیلاته ، تکالیف طرحنه امر ویرر و تحصیل امری ایله خدمات عمومیه ینه صرف امرینی مجلس ویرر .

بناء علیه ؛ بو مجلسک حقوق اساسیه سنه ، بویله اوفاق تفک تأویلرله دولامباجلی یوللردن دولاشه رق مداخله ایتک دوغری دکلدر . شمدی بر امر واقع اولمشدر . معلوم عالیکز آغستوس نهایتندن شمدی یه قدر صرفیات وقوع بولمشدر .

مالیه وکیلی حسن بک — ایلول ظرفنده ایفاییدیلن خدماته مقابل پاره ویرلمه مشدر اونئی تصحیح ایدیکز .
راغب بک (کوتاهیه) — ظن ایتمه ییکزکه : ایلول معاشنی ویرمه مشدر .

مالیه وکیلی — اقدم ! ایلولدن تحقق ایدن پاره یی ویرمه مشمدر اجتهاد اختلافی اوله رق بوجوده کلشدر . باشقه برشی ایسته میورم .

راغب بک — او حالده برشی بوقدر اقدم . حسن بک افندی قناعتدن نکول ایتلیدرلر . ویکی بر قناعت ایله یکی بر قانون ایله مجلسه کلیدرلر .

وهی افندی (قونیه) — بو سوزلری سویله نجیه قدر ماده قانونیه کایر کچردی . نیم سویله جکم بوراده یا کلش

بر تعبير وار . اون ميلیون لیرادن تصرف دینیور . دیمک که حکومتک تکمیل صرفیاتی تمش ده باقی پاره قالمش اولیور . حالو که افندیلر ! چوقو ولایتلرده مأمورین مماش آلامشدر . یالکتر نیم سویله یه جگم بوراده یا کلش بر تعبير واردر . اوکا اعتراض ایده جگم . مأمورینه مماش ویرلمدیکی کبی عسکر وضا بطارکده بر چوقولرینه ده معاش ویرلمه مشدر . بو مصرف قارشوانی چیقدقندن صوکره متباقی بر پاره وارده اونیمی صرف ایده جگم ؟ یوقسه تموز ، اغستوس ایلولده حالا ویرلمه مش معاشلر دوریور . ویرلمه یین معاشلره ویرلمه یور . بونی تصرف دییورسه قو یا کلشدر افندیلر بو تصرف دکلدر ومالیه وکیلی بک بویله سویله مشدر . اما بوندن دولایي مالیه وکیلی مؤاخذه ایتمه یورم . چونکه او ، طیبی پاره بولورسه ویره جگم پاره بوله مازسه ویره مز ، او باشقه مسئله .. فقط مصرف آچیق دوریور . اون میلون لیرادن صرف ایلمه مش بر مقدارده وار . فقط بو ویرله مه یین معاشلردن واقع اولان تصرفیدر ؟ یوقسه او مصرفلر قارشولغنی چیقاردقندن صکره باقی برپاره وارده او پاره ییمی ایسته یور .

مالیه وکیلی بک — اولکی شکاده در افندم !

وهی افندی (دوامله) — اغلا اویله ایسه اوکا دییه جگم یوقدر . شو حالده بر سؤال وارد اولور که نندن شمدی یه قدر اونلره ویرلمدی ده بووقته قدر قالمشدر .

مالیه وکیلی — جواب ویریم افندم !

وهی افندی (قونیه) — صکره افندیلر نیم عقلمک ایرمدیکی برشیلر ده وار . عفواید رسکز محاسب دکلم . مالیه جی ده دکلم . اما حسن بک بورایه کلدیکنده دیملی اییدی که : افندیلر ! شوکوندن بوکونه کلنجه به قدر ویرمش اولدیغکز اون میلون آوانسندن بدی میلونی صرف ایلدی . آلمده اوچ میلون غروش قالدی . بوکادائر برشی ایستیورم . عجیبا صرف ایندیکی نه قدر ؟ بوکون ایسته مش اولدیغنی آوانس مقابلی نه قدردر ؟ بونی تعیین ایتمی لازمدر .

یحیی غالب بک (قیرشهر) افندم ! مسئله غایت بسیط فقط برازده دولامبا جلی یوللردن کیدلدی . اساساً سنه جدیده نك حلولیله برابر یا بودجه چیقاجق یا خود موقت

بودجه ایله مالیه وکیلی پاره آله جقدر . افندم ! موقت بودجه چیقارلدیغی زمان مطلقاً صرف ایله جگم مبالغت بر ، برهانکی دائره نه مقدار صفا ایلدیکی کوستریله جگدر . فقط مالیه وکیللری دها قولایلق اولوق ایچون آوانس مسئله سنی ایجاد ایتمیلر . آوانس مسئله سی چورونک مسئله در . حسن بکدن اولکی اولان وکیل محترم ظن ایدرم ایکی میلونلوق بر آوانس آلدی . صوکره حسن بک اون میلونلوق صکره سکز میلونلوق آوانس ایسته دیکی صبرده موازنه مالیه انجمنی هنوز بودجه یی چیقارمدیغی کی کندی تعدیلاتی دائره سننده پاره ویرلمدی . دوشوندی ، آغستوسه قدر کندیسنه نه قدر پاره لازمدر . اون میلون لیرالوق آوانس ایسته دی . فقط موازنه مالیه انجمنی برطاقم وظائفی اخراج ایتمدی . وبونلرا ایچون تأدیات یاپلمه سی امرینی ویردی . شو حالده ایستیلن آوانسندن طبیعتیه بقیه قالدی بونی بن صرف ایده جگم . آما سز اغستوس انهایتنه قدر دیدیکز . شمدی اغستوس ده کپیور بو پاره یی صرف ایده ییمی ، ایتمه ییمی ؟ دییور . مسئله یا صرف ایت دیرز یا خود یکیدن آوانس ایسته دیرز . صرف ایت دیمکه آوانس آراسنده نه کبی بر فرق واردر ؟ شمدی بقیه قالان ایکی ملیون ؛ بویاره یه دهاسکز ملیون علاوه ایدرک بزدن اون ملیون ایستیه جگم . ایسته مسئله بوندن عبارتدر . باشقه حائر اهمیت هیچ برشی کورم . اکر مجلس عالیکنز موافق کورورسه صرفه مأذونیت ویرسون . یا خود نه وقت آوانس آلمق مجبوریتنه قالاجق . اونیه کندیسیمی بیلسون و کندیسیمی دوشونسون . بونکده صرفه مأذونیت ویرلسون . مسئله بوندن عبارتدر . (مذاکره کافیدر سسلری)

رئیس — مذاکره نك کفایتنه دائر تقریر یوقدر افندم .

مفید افندی (قیرشهر) — افندم ! بومسئله حقتنه

دورودراز مذاکره ایتمک بی لزومدر .

مسئله ظن ایدرسه م آوانسک صورت اخذی ایله زمان صرفی مسئله سیدر . شمدی ابتداسیله اتها سیله معین اولان وهیئت محترمه کز طرفندن تنظیم اولونان بر ماده نك صورت تلقیسندن دولایي حاصل اولان

رئیس — قبول ایدنلر لطفاً ال قالدیرسون . (تعیین اسمیله سسلری)

رئیس — افندم! مساعده بویورک بوتعین اسمی مسئلهسی دکلدرد. شمدی! عرض ایدد جکم رجا ایدرم .
طوراق بک — صراحت قانونیه فارشی تفسیر اولورمی بک افندی سوز ایستدم ویرمدیکز .

رئیس — مساعده بویورک بک افندی بنده کز مجلسه عرض ایدیورم افندم! بن سوز ویرمه مزک یاپدم .
رجا ایدرم! مذاکره فی کافی کورنلر آرقداشلیکزدرد .
طوراق بک — صراحت قانونیه فارشی تفسیر جائز میدر (کورولتیلر) (جائزدر سسلری)

حمدی بک (کنج) — رئیس بک سهولته برشی یاپلسون اومادهیه ذیل اولسون .

رئیس — افندم! مالیه وکیلی بک افدینک ایضاحاتی وجهله بقیه قالان مبلغک صرفه مأذونیت ویرلسنی قبول ایدنلر لطفاً ال قالدیرسون قبول ایدلمشدر افندم: (اکثریت یوق سسلری)

بصری بک — مساعده بیوریکز افندم اولکی تقریرده کی اکثریت شمدیکی اکثریتدن فضله ایدی .

رئیس — بصری بک بونی بیلهرک قطعی می سویلیورسکز .
بصری بک — بیلهرک سویلیورم
رئیس — دیمک که بوندن اولکی اکثریت دها چوقدی بصری بک — اویله ظن ایدیورم .

رئیس — بنده کز صرف ذات عالیکنزه مخصوص اولوق اوزره تکرار رایه قویه جنم (کورولتیلر)

حمدی بک (کنج) — تعیین اسمی ایستر بک افندی رئیس — بوندن چوق متأسفم. بوراده ایکی دانه ارقداشم واردر. اونلرده کورویور (تعیین اسمی ایستر سسلری)

وهبی بک (قره سی) — پاره صرف ایدلسونده تعیین اسمی اولماسون. بونصل اولور افندم؛ پاره صرف ایدیلیور. تعیین اسمیسز اولورمی ؟

اختلاف افکاردن مالیه وکیلی بک افندی دیورکه: بو تفسیر اولنور. آریجه بر قانونه لزوم یوقدر. موازنه مالیه انجمنی اعضای محترمه سندن بر قسمی ایله وهبی بک برادرمن ابتداسیله اتهاسی معین اولهرق مجلسک قبول ایتمش اولدینی قانونک تفسیرینه لزوم یوقدر. شمدی یکیدن بر ماده قلمه آلمق لازمکلیر دیور. شمدی مسئله بوماده فی تفسیر ایتمک ویا خود بومادهده کوستریلن مدت حلول ایبتدیکنندن طولایی یکیدن بر ماده یاپلمسی حقنده هیئت جلیله کزک ویره جکی قراردر . بونک ایچون ایلولک نهایتی کلمش تشرین اولکده نهایتی کلیور . رجا ایدرم ، مالیه وکیلیک دوشوندیکی مسئلهده آوانس ایچون بر قانون آلمق بر قانون یاپمش اولورسه بویاره فی صرف ایددجک اولورسه بلیکه بن مسؤل اولورم نقطه نظری وار. اگر ماده قانونیه یاپارلسه بلیکه بن مسؤل اولورم اندیشه سی قالماز .

حسن بک افدینک بویله یاپمش اولدینی بومسئله بر اجتهاد نتیجه سی اولدیغندن دولایی بزجه معذوردر . بومسئلهیه نهایت ویره لم بسون افندم (حاجت یوق سسلری)
رئیس — مذاکره نک کفایتده دائر لازستان مبعوثی عثمان بکک بر تقریری وار .

ریاست جلیلهیه
مذاکره کافیدر مالیه وکیلی بک افدینک ایضاحاتی وجهله تفسیراً بقیه قالان مبلغک صرفه مأذونیت ویرلسنی تکلیف ایدرم .
لازستان مبعوثی
عثمان

رئیس — بو تقریری رأی عالیکنزه وضع ایدیورم.
مذاکره فی کافی کورنلر لطفاً ال قالدیرسون (مذاکره کافی کورولمشدر)

ریاست جلیلهیه
آغستوس غایه سنه قدر ویریلن اون میلیون لیرادن بقیه قالان مقدارینک ایلول و تشرین اول ظرفندهده صرف ایددیله .
چکنه دائر بر ماده قانونیه تنظیم و مجلس عالییه تودیی خصوصتک تحت قراره آلمسنی تکلیف ایلم .
قره سی
محمد وهبی

رئیس — شمدی افندم! وهبی بکک بو تقریری قبول ایدنلر لطفاً ال قالدیرسون . (قبول ایدلدی)
(لازستان مبعوثی عثمان بکک تقریری تکرار او قوندی)

رئیس — افندم ! تعیین اسامی ایسته من تفسیر در دیورلر .

بصری بك — پاره صرف ایديكز تفسیر در دييكنز .
رئیس — مجلس عالیکنز قبول ایدييور . رجا ایدرم
بو اساساً ویرلمش اولان بر پاره نك صرفه مأذونیت
ویر مکدر .

وهی بك — اکثریت یوقدر افندم .
رئیس — رجا ایدرم اکثریت وارد . همبكا تعیین
اسامی تقریری گلدی .

وهی بك — افندم پاره صرفه عأددر . لازمدر
تعیین اسامی .

رئیس — بك افندی ! رجا ایدرم پامایيكنز بونی .
افندم بنده كزك بونده ذره قدر ترددم یوقدر . آرقداشلر
بونی قبول ایئدیله . بونی بن تأویل ایتمیورم . (كافی، كافی)

یتدی سسلری)

علی سروری بك — هر تقریر صاحبی بویله اعتراض
ایدرسه بومذا کره اصلا بیتمز .

رئیس — پوزانطی ده کی حکومته عأد کر استه نك
قونیه دارالایتامنه اعطاسنه دائر قونیه مبعوثی وهی
افندی ورفقاسنك بر تکلیف قانونیسی وار . لایحه انجمنه
کوندرییورم .

افندم بوندن صوکره معلوم اولان مسئله نك مذا کره
سنه باشلایه جغز ، خفی جلسه عقدایده جکتر .

وهی افندی — افندم غایت بسیط بر مسئله در لایحه انجمنه
کیتمسون بوراده بر آن اول مذا کره ای دلسنی رجا ایدرم .

رئیس — افندم آرقداشلردن رجا ایدره رز . بوکون
چیقاریرلر . جمعه ایرتسی کونی مذا کره ایدرز .

ایکنجی جلسه خفیدر

